

欽定四庫全書		普濟方卷二百五		明 周王朱櫨 撰		膈噎門		膈氣宿食不消 附論		夫飲食入於胃而化於脾脾胃和調則水穀易腐若脾胃虛寒即傳化不時新陳蘊積沉膈氣之人氣道以澁是以噫氣酸臭否滿噎塞而苦宿食不消也		麥蘖散 治膈氣宿食不消		欽定四庫全書		普濟方		麥蘖 炒四兩 芎藭 白芷 懷香子 炒 烏藥 各一兩		半兩 莎草根 炒去毛 桔梗 炒 陳橘皮 白焙湯浸去		縮砂 皮去 紅豆 蓬莪茂 炮 厚朴 去粗皮生薑汁炙熟		人參 各一兩 白朮 三兩 桂 皮去粗 訶梨勒皮 兩半		木香 二錢 蒼朮 米泔水浸一宿炒三兩		右為散每服二錢陳米飲或鹽湯調下不計時候		厚朴湯 治膈氣宿食不消		厚朴 去粗皮剉兩半生薑汁浸一宿炒 草豆蔻 皮去 桂 皮去粗	
--------	--	---------	--	----------	--	-----	--	-----------	--	---	--	-------------	--	--------	--	-----	--	---------------------------	--	---------------------------	--	----------------------------	--	----------------------------	--	--------------------	--	---------------------	--	-------------	--	-------------------------------	--



高良薑 五味子各半 青橘皮湯浸去白 人參	甘草炙 麥蘖炒 柴胡去苗 麻黃去根節煮	陳麴炮 訶梨勒炮去核 益智炒去皮 乾薑	炮一分 烏頭炮製去皮 陳橘皮湯浸去白	右粗篩每服三錢以水一盞薑三片棗二枚擘破同煎至七分去滓稍熱服不計時候	人參茯苓湯 治膈氣宿食不消痰毒虛氣飲食無味	壯熱增寒霍亂吐逆	欽定四庫全書 普濟方	人參二兩 赤茯苓去黑皮 訶梨勒皮 附子炮製	去皮 黃耆 前胡去蘆 枇杷葉拭去毛 白朮	麻黃去根節 益智子去皮 陳橘皮 桂去粗皮	乾薑炮 甘草炙各一兩	右粗搗篩每服三錢水一盞生薑三片棗二枚擘破同煎至七分去渣溫服如脾泄氣痢及傷寒三日外要出汗併三服衣被蓋出汗不計陰陽一切食毒傷寒並能療之	華澄茄散 治膈氣壅滯脾胃虛弱宿食不消四肢虛乏
---	--	---	--	--	------------------------------	-----------------	---------------------------------------	---	--	--	---	--	-------------------------------



華澄茄 兩一 草豆蔻 半兩 人參 半兩 白朮	三 分 木香 兩半 大腹皮 三分 荆三稜 半兩 煨 微	五 味子 兩半 細辛 兩一 甘草 半兩 訶梨勒皮	一 兩 高良薑 兩半 半夏 七兩 青橘皮 兩半	湯浸去 白穰焙	右為散每服三錢以水一中盞入生薑半分棗二枚	同煎至六分去滓不計時候稍熱服	參朮散 出聖濟 總錄 治膈氣宿食不消氣攻兩脇痛口內	欽定四庫全書 普濟方	唾痰心胸不快	人參 白茯苓 去黑皮 枳殼 去穰 京三稜 煨	桂 皮 去粗 木香 甘草 炙 白朮 白檳榔 剉	陳麴 黃炒 訶梨勒皮 乾薑 炮 厚朴 去粗皮生	各 三 分	右為散每服二錢入鹽點服空心食前	厚朴散 出聖 惠方 治膈氣脾胃久冷宿食不消心腹虛脹 四肢瘦弱宜服
---------------------------------	---	-----------------------------------	----------------------------------	------------	----------------------	----------------	---------------------------------	---------------	--------	------------------------------	-------------------------------	-------------------------------	-------	-----------------	---



厚朴 一兩去粗皮薑汁炙 沉香 三分 青橘皮 湯浸二宿去白穢焙	檳榔 兩半 丁香 兩半 訶梨勒皮 半一兩 桂心 兩半	草豆蔻 去一兩皮 白朮 三分 人參 三分去蘆頭 木香 三分	高良薑 三分 甘草 一分炙 微黃剉	右為散每服四錢以水一中盞入生薑半分棗三枚	煎至六分去滓不計時候稍熱服	人參湯 出聖 治膈氣壅滯不下飲食或宿食不消	人參 一兩去蘆頭 木香 兩半 檳榔 兩半 乾薑 三分炮製剉	欽定四庫全書 普濟方	白朮 一兩 枳殼 半兩麸炒微黃去瓢 桂心 一兩 赤茯苓 一兩	青橘皮 三分湯浸去白焙 京三稜 一兩微煨剉 甘草 半兩炙微	赤剉 訶梨勒皮 一兩 厚朴 二兩去粗皮塗薑汁炙令香熟	右為散每服三錢水一中盞煎至六分去滓不計時	候稍熱服	草豆蔻散 治膈氣壅滯不下飲食或宿食不消	人參 三分去皮 細辛 兩半 赤茯苓 兩半 厚朴 一兩去粗皮塗	薑汁炙 草豆蔻 三分去蘆頭 青橘皮 三分去白焙 令香熟
---	---	--	----------------------------------	-----------------------------	----------------------	----------------------------------	--	-----------------------	---	--	---	-----------------------------	-------------	----------------------------	---	--



訶梨勒皮 一兩 益智子 半兩 半夏 半兩 湯浸 七遍去滑	甘草 一分 炙 微赤剉 丁香 一分 檳榔 三	右散每服三錢水一中盞入生薑半分煎六分去滓	不計時候稍熱服	訶梨勒湯 出聖 惠方 治膈氣脾胃積冷宿食不消心胸不	利	訶梨勒皮 一兩 人參 三分 去蘆頭 白朮 三分 木香 二分	黃耆 三分 剉 神麴 一兩 炒 微黃 桂心 三分 麥蘖 三分 炒 微	欽定四庫全書 普濟方	黃 三分 高良薑 三分 炒 草豆蔻 三分 去皮 陳橘皮 半兩 湯浸	去白 穰焙	右為細末不拘時候以生薑湯調下一錢	草豆蔻散 治膈氣宿食不消	草豆蔻 去皮 高良薑 炮 陳麴 炒 木香 各一兩	訶梨勒 核 炮 去 陳橘皮 湯浸 去白焙 桂 皮 去粗 麥蘖	炒 烏梅肉 炒 甘草 炙 各半兩	右為末每服二錢入鹽點服空心食前
---	---	----------------------	---------	---	---	--	---	---------------	--	----------------------	------------------	-----------------	---	--	--	-----------------



建中湯 出王氏博濟方 治膈氣宿食不消胸膈痞滿心腹脹痛陰陽不和臍腹撮痛		草豆蔻 皮去 陳麴 炒 麥蘖 炒 陳橘皮 湯浸去白焙	白朮 厚朴 炙香熟 乾薑 炮各一兩 藿香子 炒	木香 各半兩	右粗搗篩每服三錢入生薑三片棗二枚擘破水一盞同煎至七分去滓溫服不計時候一方為末入鹽煎湯下空心常服	欽定四庫全書 普濟方	磨脾湯 出聖濟總錄 治膈氣宿食不消溫脾胃除積冷	木香 人參 附子 炮製去皮臍 赤茯苓 去黑皮	甘草 各二兩 乾薑 炮 神麴 炒 麥蘖 炒	草豆蔻 去皮各一兩	右為散每服二錢入鹽點服不計時候	木香散 出聖急方 治膈氣胸中不利宿食不化	木香 一兩 桃仁 半兩湯浸去皮尖雙仁麸炒 草豆蔻 一兩去皮	訶梨勒皮 二兩 桂心 一兩 檳榔 一兩 白朮 三分
--	--	---	---	------------------------------	--	-------------------	---	---	--	---------------------------------	------------------------	--	---	--



麥蘖 三分炒 微黃 甘草 一分 微炒		右為散每服四錢水一中盞入生薑半分煎六分去滓不拘時候稍熱服		人參散 治胸膈氣滯脾胃虛冷飲食不消面無顏色		人參 一兩去蘆頭 赤茯苓 一兩 白朮 一兩 木香 半兩		麥蘖 三分炒 微黃 訶梨勒皮 一兩 縮砂 半兩 去皮 附子		一兩炮製 去皮臍 吳茱萸 一兩湯浸七遍焙乾微炒		右為散每服不計時候以粥飲調下一錢		欽定四庫全書 普濟方		訶梨勒圓 治膈氣心胸妨悶不能下食食不消化		訶梨勒皮 一兩半 檳榔 一兩 桂心 一兩 木香 一兩		甘草 半兩炙 微赤剉 陳橘皮 二兩湯浸去白焙 前胡 一兩半 去蘆頭		白朮 一兩 五味子 一兩		右為末以棗肉和搗三二百杵丸如梧桐子大每服不計時候以生薑湯棗湯下三十丸		神麴丸 出聖方 惠 治膈氣不下食不能消化		神麴 四兩炒 微黃 麥蘖 四兩炒 微黃 厚朴 二兩去粗皮 生薑汁炙熟	
---	--	-------------------------------------	--	------------------------------	--	--	--	---	--	--	--	-------------------------	--	-------------------	--	-----------------------------	--	---	--	---	--	---	--	---	--	--	--	--	--



桂心一兩 陳橘皮一兩半湯浸去白焙 檳榔一兩 乾薑一兩	右為末煉蜜和搗三二百杵丸如梧桐子大每服不計時候生薑湯下二十丸	蘇湯煎 治膈中氣不快酒食不消飲食不快善治脾元一切虛中積滯	肉豆蔻 丁香 沉香 硃砂各一分 京三稜	蓬朮燒存性各一兩	欽定四庫全書 普濟方	右為末烏梅肉丸如麻子大每服十四粒空心熱紫蘇湯下	附子丸出聖濟總錄 治膈氣宿食不消散寒邪溫脾胃	丹砂研細如粉留一半末為衣 附子炮製去皮臍各一兩 檳榔剉碎半兩	杏仁二十八枚去皮尖雙仁另研膏 丁香一錢	右研極細和勻煉蜜為丸如梧桐子大丹砂為衣每服三丸至五丸先嚼棗二枚裹藥丸乾嚥後生薑湯下不計時候
---	---------------------------------------	-------------------------------------	---	--------------------------------	-------------------	--------------------------------	--	--	--	--



養胃丸 出聖濟總錄 治膈氣宿食不消	丁香 半斤 白朮 各十兩 人參 一兩 厚朴 去皮剉作小塊一斤	生薑 五斤用自然汁於銀石器內同厚朴文武火煮盡薑汁炒令乾	右為末煮棗肉和丸如梧桐子大每服三十丸空心	食前服米飲下	硃砂丸 出聖濟總錄 治膈氣宿食不消消滯進飲食	山芋 去皮 木香 剉各半兩 肉豆蔻 剉各半兩 檳榔 半兩	硃砂 一兩研碎以漿水一大盞化去沙泥熬盡漿水却入好酒半升重熬如膏	欽定四庫全書 普濟方	右為細末以硃砂膏搜和令勻却以好酒半盞煮麵	糊為丸如梧桐子大每服十丸至十五丸食後良从	溫酒下	膈氣妨悶 附論	夫膈氣妨悶者由憂恚思慮冷熱不調氣結胸中上下	痞滿致飲食噎塞津液不通虛冷之氣攻迫咽喉故令	妨悶也	大腹皮散 出聖惠方 治膈氣心胸壅滯妨悶
--	--	---	-----------------------------	---------------	---	--	---	--------------------------	-----------------------------	-----------------------------	------------	-------------------------------	------------------------------	------------------------------	------------	--





枳殼 三分 微黃去穰炒 乾薑 半兩 炮製剉 甘草 一分 炙微赤剉	右為散每服三錢水一中盞生薑半分煎至六分不	計時候稍熱服	紫蘇散 出聖惠方 治膈氣胸中妨悶痰壅不下食	紫蘇葉 二兩 陳橘皮 一兩 湯浸去白穰焙 半夏 一兩 湯洗七遍去滑	枳殼 三分 微黃去穰炒 柴胡 二兩 去苗 檳榔 一兩 桂心 一兩	赤茯苓 一兩	右為散每服三錢水一中盞入生薑半分煎至六分	欽定四庫全書 普濟方	去渣不計時候稍熱服	枳殼丸 出聖惠方 治膈氣脹滿喫食妨悶脚手疼煩漸加	羸瘦四肢無力	枳殼 一兩 微黃去穰炒 木香 一兩 檳榔 一兩 赤芍藥 一兩	麥門冬 一兩 去心焙 羚羊角屑 一兩 前胡 二兩 蘆頭去	赤茯苓 二兩	右為末煉蜜和搗三二百杵丸如梧桐子大每服不	計時候以粥米飲下三十丸
---	----------------------	--------	--------------------------------------	--	--	-----------------------	----------------------	---------------	-----------	---	--------	--	---	-----------------------	----------------------	-------------



訶梨勒丸 出聖 惠方 治膈氣心腹妨悶不能下食	訶梨勒皮 二兩 檳榔 一兩 木香 一兩 五味子 一兩	陳橘皮 一兩 湯浸 去白 穰 焙 川芒硝 一兩	右為末以酒煮麵糊丸如梧桐子大不計時候煎薑	棗湯下二十九	桃仁散 出聖 惠方 治膈氣心胸妨悶常欲嘔吐湯水不下	桑根白皮 一兩 剉 桃仁 一兩 湯浸 去皮 尖 雙仁 銚炒黃 木香 半兩	右為散每服三錢水一中盞入生薑半分煎至六分	欽定四庫全書 普濟方	去滓不計時候稍熱服	膈氣心腹痞滿 附論	夫膈氣心腹痞滿者由寒氣在於胸膈逆滿咽喉噎塞	不通噫聞食臭心腹脹滿此皆榮衛不和陰陽隔絕藏	腑否澁壅而不宣通故令心腹痞滿也	方	訶梨勒散 出聖 惠方 治膈氣心腹痞滿胃氣虛弱不能飲	食
--	---	--	-----------------------------	---------------	---	--	-----------------------------	-----------------------	------------------	---------------------------------	------------------------------	------------------------------	------------------------	----------	---	----------



訶梨勒皮一兩 人參三分 去頭去 京三稜三分 炮微 草豆蔻一兩 去皮一兩 湯浸 陳橘皮一兩 去白穰湯浸 甘草半兩 炙微 白朮三分 赤茯苓三分 檳榔三分 乾薑三分 炮製 桂心三分 右為細末每服不計時候煎生薑橘皮湯調下一錢	白朮散出聖方 治氣膈心腹痞滿四肢拘急體重 白朮三分 木香半兩 訶梨勒皮三分 甘草一分 炙微 桂心三分 丁香半兩 人參半兩 去頭去 厚朴一兩 薑汁一兩 炙	欽定四庫全書 普濟方 陳橘皮一兩 湯浸 去白穰焙 草豆蔻一兩 去皮 右為細末每服不計時候煎生薑木瓜湯調下一錢	柴胡散出聖方 治氣膈心腹痞滿不下飲食肩背壅悶 柴胡二兩 去苗二兩 枳殼一兩 炒微 黃黃 白朮一兩 檳榔二兩 四肢煩疼	甘草半兩 炙微 赤茯苓二兩 陳橘皮二兩 去白穰湯浸 赤芍藥一兩 訶梨勒皮二兩 右為粗散每服四錢水一中盞入生薑半分煎至六
--	---	--	---	---



分去滓不計時候稍熱服		赤茯苓丸 出聖 惠方		食胸背俱悶		赤茯苓 一兩 桂心 一兩 乾薑 三分炮製 檳榔 一兩		甘草 半兩炙 陳橘皮 一兩湯浸去白 訶梨勒皮 二兩半		枳殼 一兩麸炒微黃 羚羊角屑 一兩		右為末煉蜜和搗三二百杵丸如彈子大每服一丸		不計時候常含一丸嚥津如患甚即將一丸煎湯研		欽定四庫全書 普濟方		破服亦得		沉香丸 出聖 惠方 治氣膈脾胃冷心腹痞滿喫食無味		面色痿黃		沉香 半兩 丁香 半兩 木香 半兩 檳榔 半兩 桂心 一兩		訶梨勒皮 一兩 川大黃 半兩剉碎微炒 肉豆蔻 半兩去壳		麝香 一分細研		右為末入麝香研令勻煉蜜和搗三二百杵丸如梧		桐子大每服不計時候以薑棗湯嚼下十丸	
------------	--	---------------------------	--	-------	--	--	--	---	--	---	--	----------------------	--	----------------------	--	------------	--	------	--	---	--	------	--	--	--	--	--	------------------------	--	----------------------	--	-------------------	--



人參丸 出聖 惠方 治氣膈心腹痞滿不下飲食或時嘔吐	四肢不和	人參 二兩 去蘆頭 桂心 一兩 赤茯苓 一兩 檳榔 一兩	訶梨勒皮 一兩 甘草 一分 炙微赤 剉 陳橘皮 一兩 湯浸去白 焙	乾薑 半兩 炮製剉	右為末煉蜜和搗三二百杵丸如梧桐子大每服不	計時候薑湯下三十丸	枇杷葉散 出聖 惠方 治氣膈吐涎痰食不消化心腹痞滿	欽定四庫全書 普濟方	雷鳴	枇杷葉 一兩 拭去毛 炙微黃 人參 一兩 去蘆頭 桔梗 一兩 去蘆頭	檳榔 半兩 半夏 一兩 湯浸七遍 去滑 陳橘皮 二兩 湯浸去白 穰焙	右為散每服三錢水一中盞入生薑半分煎至六分	去滓不計時候溫服	治以患氣膈心腹痞滿咽喉噎塞不下飲食宜服此方	枳殼 一兩 麸炒微黃 去穰 訶梨勒皮 一兩 半	右為散每服不計時候煎生橘皮湯調下一錢
---	-------------	---	---	---------------------------------	-----------------------------	------------------	---	-------------------	-----------	--	--	-----------------------------	-----------------	------------------------------	--	---------------------------



華撥飲 出聖濟總錄 治膈氣心腹痞滿全不思食	華撥 沉香 剉 草豆蔻 皮去 丁香 桃仁 炒去皮尖	青橘皮 焙去白 大腹子 剉 生薑 切炒各一兩 甘草	剉 枳殼 去穰 各半兩 訶梨勒皮 二兩	右粗搗篩每服三錢水一盞煎至七分去滓溫服不	計時候	黑丸子 出楊氏家藏方 治胸膈痞塞心腹堅腹脹氣積氣塊	及大小便不通	欽定四庫全書 普濟方	黑牽牛 天門冬 去心各等分生用	右為末滴水丸如梧桐子大每服五十丸溫熟水	送下	六君子湯 出楊氏家藏方 治胸膈痞滿脾塞不嗜食服燥藥	不得者正宜服	枳殼 去穰 人參 去蘆 陳橘皮 白去 白朮	白茯苓 皮去 半夏 湯洗七遍切片子	右各等分為粗末每服五錢水二鍾生薑五片同煎
---	---	---	---	-----------------------------	------------	---	---------------	-------------------	---------------------------------------	----------------------------	-----------	---	---------------	---	--	-----------------------------



至半盞去滓溫服不拘時候									
丁香丸 出楊氏家藏方 治胸膈痞滿嘔逆惡心腹脇脹滿									
熟 丁香 二兩 沉香 一兩 人參 去蘆頭 肉豆蔻 十四枚 麵裹煨									
右為細末用甘草十兩搥碎入水一斗揉盡去滓熬成膏子為丸如梧桐子大每服三十丸生薑湯下不拘時候									
膈氣心胸中痛 附論									
欽定四庫全書 普濟方									
夫膈氣心胸中痛者由宿食寒氣在於臟腑之間因其經絡否澁不得宣通臟虛邪盛上攻於胸中邪氣與正氣相擊故令心胸中痛也									
方									
木香丸 出聖惠方 治膈氣心胸氣滯疼痛連於腹脇飲食不下									
木香 一兩 青橘皮 一兩去白穰焙 檳榔 一兩 桂心 一兩									
乾薑 半兩炮製 人參 三分去蘆頭 細辛 三分 吳茱萸									



湯浸 焙炒 川烏頭半兩炮製 貝母三分去心	右為末煉蜜和搗三二百杵丸如梧桐子大每服不計時候以粥飲下二十丸常含三五丸嚥津甚佳	赤茯苓散出聖惠方 治膈氣壅滯攻心胸中連肩背痛日夜不止	赤茯苓一兩 桂心一兩 人參一兩去蘆頭 白朮一兩	陳橘皮二兩湯浸去白穰焙 蓬莪朮一兩 大黃一兩剉碎微炒	吳茱萸一兩湯浸焙乾 厚朴一兩去粗皮塗薑汁炙令香熟	欽定四庫全書 普濟方	右為粗散每服三錢以水一中盞生薑半分煎至六分去滓不計時候稍熱服	丁香散出聖惠方 治膈氣心胸冷氣疼痛不食少力	丁香半兩 厚朴一兩去粗皮薑汁炙 桂心三分 白朮一兩	甘草半兩炙微赤剉 人參一兩去蘆頭 赤芍藥半兩	右為粗散每服四錢水一中盞煎至五分去滓入酒半小盞更煎至三兩沸不計時候稍熱服	檳榔散出聖惠方 治膈氣心胸冷硬結痛下氣
---	--	--	--	--	---	-----------------------	---------------------------------------	---	--	--	---	---



欖榔 二兩 木香 一兩 陳橘皮 一兩半湯浸去白焙 枳實 一兩 麸炒 前胡 一兩 川大黃 二兩剉碎微炒	右為粗散每服三錢水一中盞入生薑半分煎至六分去滓不計時候稍熱服	桂心散 出聖惠方 治膈氣心胸中伏滯冷氣疼痛飲食不下	桂心 一兩 前胡 一兩去蘆頭 人參 一兩去蘆頭 牛李根 一兩 訶梨勒皮 二兩 青橘皮 一兩湯浸去白穰焙	欽定四庫全書 普濟方 右為散每服四錢以水一中盞煎至六分去滓不計時候稍熱服	柴胡散 出聖惠方 治膈氣心胸中煩滿疼痛及走疰氣欲絕	柴胡 一兩去蘆頭 甘草 半兩炙微赤剉 當歸 三分剉微炒	木香 一兩 欖榔 一兩 犀角屑 一兩 麝香 三分細研	右為散入麝香研勻每服三錢水一中盞煎至六分去滓不計時候稍熱服
---	---------------------------------------	---	--	--	---	---	---	--------------------------------------



小草丸 出聖方 治膈氣心胸間痛氣逆飲食不下	小草 三分 桂心 三分 細辛 三分 附子 半兩炮製去皮臍	川椒 三分去目閉口者微炒出汗 乾薑 三分炮製剉	右為末煉蜜和搗三二百杵為丸每服不計時候以	粥飲下三十丸	半夏散 出聖方 治膈氣心胸中積冷氣痛心中滿悶不	能下食或嘔吐	半夏 一兩湯浸七遍去滑 吳茱萸 半兩湯浸七遍焙乾微炒 桂心 一兩	欽定四庫全書 普濟方	人參 一兩去蘆頭 甘草 半兩炙微赤剉	右為末每服三錢以水一中盞入生薑半分棗三枚	煎六分去滓不計時候稍熱服	厚朴散 出聖方 治膈氣心胸中虛寒疼痛	厚朴 二兩去粗皮塗薑汁炙 吳茱萸 一兩湯浸七遍焙乾炒	桂心 一兩 白朮 一兩 陳橘皮 一兩半湯浸去白穰焙	右為細散每服不計時候熱酒送下一錢	木香散 出聖方 治膈氣心胸中氣痛不可忍
---	---	--	-----------------------------	---------------	---	---------------	--	-------------------	---	-----------------------------	---------------------	--	---	---	-------------------------	---



木香 兩半 吳茱萸 一兩湯浸七遍焙乾微炒 桂心 三分	右為細散每服二錢以水一中盞煎至六分滓不	計時候稍熱服	白朮散 出聖惠方 治膈氣心胸間痛宜服	白朮 一兩 枳實 一兩麸炒微黃 神麴 一兩炒微黃	右為細散每服不計時候以熱酒調下一錢	乾薑散 出聖惠方 治膈氣食後嘔逆心胸中痞痛	乾薑 半兩炮製剉 吳茱萸 半兩湯浸七遍焙乾 白朮 二兩	欽定四庫全書 普濟方	右為細散每服不計時候以熱酒調下一錢	枳實散 出聖惠方 治膈氣心胸氣逆時復疼痛	枳實 一兩麸炒微黃 桂心 一兩	右為細散每服不計時候以熱酒調下一錢	前胡湯 出千金方 治胸中久寒癖實膈塞胸痛氣不通利	三焦冷熱不調飲食減少無味或寒熱身重卧不欲	起	前胡 人參 甘草 當歸 半夏 各二兩 大黃
--	----------------------------	---------------	--	--	--------------------------	---	---	-------------------	--------------------------	--	--	--------------------------	--	-----------------------------	----------	---



防風 麥門冬 吳茱萸 黃芩 生薑 杏仁 四十枚	右咬咀以水一斗煮取三升去滓分三服深師方云	若脇下滿加大棗十二枚煎服忌生冷海藻菘菜羊	肉錫	膈氣嘔吐酸水	夫五膈氣嘔吐酸水者胸中氣滯胃有宿飲冷水停積	乘於脾胃脾得水濕則不能消化水穀故令氣逆脹滿	欽定四庫全書 普濟方	嘔吐酸水也	方	丁香散 治五膈氣脾胃虛冷嘔吐酸水不能下	食四肢乏力	丁香 半兩 白朮 三分 桂心 一兩 陳橘皮 一兩 湯浸	半夏 七兩 湯浸 枳殼 半兩 麩炒 微黃 人參 三分 去	藿香 半兩 赤茯苓 三分 乾薑 半兩 炮 訶梨勒皮	甘草 一分 炙 厚朴 一兩 半塗薑汁炙
---------------------------------------	-----------------------------	-----------------------------	-----------	---------------	------------------------------	------------------------------	-------------------	--------------	----------	----------------------------	--------------	------------------------------------	-------------------------------------	----------------------------------	----------------------------



右為散每服三錢以水一中盞入生薑半分煎至六分去滓不計時候稍熱服		訶梨勒皮散 出聖惠方 治五膈氣胸中噎塞嘔吐酸水不能下食		訶梨勒皮 一兩 雞舌香 兩半 陳橘皮 一兩湯浸去白穰焙		白豆蔻 半兩去皮 人參 半兩去蘆頭 白朮 三分 桂心 兩一		赤茯苓 兩半 前胡 三分去蘆頭 甘草 一分炙微赤剉		高良薑 一兩剉 厚朴 一兩去粗皮塗薑汁炙令香		欽定四庫全書 普濟方		右為散每服不計時候以陳米粥飲調下二錢		草豆蔻丸 出聖惠方 治五膈脾胃冷嘔吐酸水臍腹疔痛不思飲食		草豆蔻 一兩去皮 附子 一兩炮製去皮臍 縮砂 一兩去皮		陳橘皮 一兩湯浸去白穰焙 乾薑 半兩炮製剉 枳實 半兩炒微黃		吳茱萸 半兩湯浸七遍焙乾 桂心 三分 檳榔 兩半 木香 兩半		雞舌香 兩半 當歸 兩半炙微赤剉		右為末水浸蒸餅和搗三二百杵丸如梧桐子大每	
---------------------------------------	--	---	--	------------------------------------	--	--------------------------------------	--	----------------------------------	--	-------------------------------	--	-------------------	--	---------------------------	--	--	--	------------------------------------	--	---------------------------------------	--	---------------------------------------	--	-------------------------	--	-----------------------------	--



服不計時候以熱酒下三十丸		白朮散 出聖 惠方 治五膈氣嘔吐酸水寒氣上攻於胸中		刺痛腹脇脹滿飲食不下		白朮 一兩 木香 半兩 吳茱萸 半兩 湯浸 七遍 焙乾 桂心 一兩		陳橘皮 一兩 去白 穰 焙 華撥 半兩 檳榔 一兩 川大黃 一兩		炙微 赤劉 人參 一兩 去蘆頭 厚朴 一兩 半 去粗皮 塗薑汁 炙令香		右為粗散每服四錢以水一中盞入生薑半分棗三枚煎至六分去滓不計時候稍熱服		欽定四庫全書 普濟方		半夏散 出聖 惠方 治五膈氣嘔吐酸水脾胃虛寒不能下食		半夏 半兩 湯浸 七遍 去滑 檳榔 半兩 紅豆蔻 半兩 去皮 桂心		三 分 木香 半兩 白朮 三 分 陳橘皮 一兩 湯浸 去白 穰 焙		赤茯苓 三 分 當歸 半兩 炒 微黃 劉 高良薑 半兩 劉		右為粗散每服三錢以水一中盞入生薑半分煎至六分去滓不計時候稍熱服		赤茯苓丸 出聖 惠方 治五膈氣滯宿食不消嘔吐酸水腹	
--------------	--	--	--	------------	--	---	--	--	--	--	--	------------------------------------	--	------------	--	---	--	--	--	---	--	--	--	---------------------------------	--	--	--



脹不能下食	
赤茯苓	一兩
陳橘皮	二兩湯浸去白
大麥蘖	一兩炒微黃
桂心	一兩
乾薑	一兩炮製剉
人參	一兩去蘆頭
木香	一兩
神麴	二兩炒微黃
訶梨勒皮	二兩
甘草	半兩炙微赤剉
右為末煉蜜和搗三二百杵丸如梧桐子大每服不計時候薑湯下三十丸	
木香散	
出聖急方	治五膈氣脾胃虛冷食不消化嘔吐酸水四肢不和面色青黃漸加羸弱
欽定四庫全書	
普濟方	
木香	半兩
陳橘皮	一兩湯浸去白焙
華撥	半兩
桂心	半兩
乾薑	半兩炮製剉
訶梨勒皮	一兩
附子	一兩炮製去皮臍
大腹皮	三分
甘草	一分炙微赤剉
右為細散每服不計時候以熱酒下一錢	
檳榔散	
出聖惠方	治膈氣脾胃寒不能食嘔吐酸水時復胸膈刺痛
檳榔	二兩
人參	一兩去蘆
白朮	一兩
白豆蔻	一兩去壳
陳橘皮	一兩湯浸去白
半夏	三分湯洗七遍
高良薑	一兩剉



華撥一兩 厚朴二兩去粗皮塗薑汁炙令香熟	右為粗散每服三錢水一中盞入生薑半分煎至六分去滓不計時候稍熱服	木香散 治五膈氣及胃口不和多吐酸水不思飲食	木香半兩 人參三分 附子三分炮製去皮臍 丁香半兩	乾薑半兩炮製剉 陳橘皮一兩湯浸去白穢焙 訶梨勒皮一兩	草豆蔻一兩去皮 射干半兩	右為散每服不計時候煎生薑棗湯調下二錢	欽定四庫全書 普濟方	厚朴散出聖惠方 治五膈氣心胸久冷結滯時多嘔吐酸	水不思飲食	厚朴一兩半去粗皮薑汁炙令香 吳茱萸半兩湯浸七遍焙乾炒	人參一兩去蘆 陳橘皮一兩湯浸去白穢焙 甘草半兩炙微赤剉	白朮一兩 高良薑半兩剉 桂心半兩	右為粗散每服三錢水一中盞入生薑半分煎至六分去滓不計時候稍熱服	五噎附論
--	---------------------------------------	------------------------------	---	--	---	---------------------------	-------------------	---	--------------	---	---	--	---------------------------------------	----------------------------



夫五噎者氣噎憂噎勞噎食噎思噎氣噎者心悸上下不通噎噦不徹胸脇苦痛憂噎者天陰苦厥逆心下悸動手足逆冷勞噎者苦氣上膈脇下支滿胸中填塞令手足逆冷不能自溫食噎者食無多少惟胸中苦塞常痛不得喘息思噎者心悸動喜忘目視眈眈此皆憂恚嗔怒寒氣上入胸脇所致也 陰陽不和則三焦隔絕而津液不利致令氣塞不調理也是以成噎皆由憂恚所致憂恚則氣結而不宣流使噎噎者噎塞不通也									
欽定四庫全書									
普濟方									
食噎者此由臟冷而不理津液澁少而不能傳行飲食故食入則噎塞不通謂之食噎胸內痛不得喘息飲食不下是也									
昆布丸 出聖急方 治五噎咽喉妨塞食飲不下宜服									
昆布	一兩半	洗	羚羊角屑	半兩	麥門冬	一兩半	焙		
柴胡	三分	去苗	木通	一兩	天門冬	一兩半	焙	檳榔	
分三	百合	一兩	訶梨勒皮	半兩	川大黃	一兩	碎	微炒	剉
郁李仁	一兩	湯洗	射干	半兩	杏仁	一兩	湯浸	去	炒



川朴硝 一兩 紫蘇子 半兩 微炒 陳橘皮 三分 湯浸去白	桂心 一兩	右為末煉蜜和搗三二百杵丸如梧桐子大不計時 候以熱酒下三十丸夜飯後取一丸如彈子大綿裹	含化嚥津	五噎散 出仁存方 治五噎食不下嘔噦痰多咽喉噎塞胸	背滿痛	人參 半夏 湯泡七次 桔梗 去蘆剉炒 白豆蔻 白朮	欽定四庫全書 普濟方	木香 不見火 杵頭糠 華澄茄 沉香 不見火	枇杷葉 拭去毛 乾生薑 各一兩 甘草 炙半兩	右為細末每服二錢水一中盞生薑七片煎至六分	食後溫服	人參丸 出千金方 治五種之氣皆令人噎名五噎心胸氣	塞三焦隔絕咽喉不利食飲難下	人參 半夏 桂心 防風 一作葵 小草 附子	細辛 甘草 各二兩 紫苑 乾薑 茱萸 係食茱萸
---	----------------------	--	------	--	-----	---	---------------	--	---	----------------------	------	--	---------------	---	--



欽定四庫全書		普濟方	
芍藥	烏頭	各六分	枳實
			一兩
右為末蜜丸如梧桐子大酒服五丸三日不知加至十五丸烏頭與半夏相反當去一味合一方有訶梨勒皮一兩和丸以生薑湯下二十丸			
人參散			
出聖方	治五噎胃脘氣滯心胸滿悶咽中噎塞不能下食		
人參	半兩	去蘆頭	半夏
			半兩
			湯泡七次
甘草	半兩	炙	桂心
			半兩
白朮	半兩		
乾薑	半兩	炮製	草豆蔻
			一兩
			去皮
甘草	半兩	炙	
陳橘皮	一兩	湯浸	枇杷葉
			半兩
			拭去毛炙
厚朴	一兩	去粗皮	大腹皮
			一兩
			剉
訶梨勒皮	半兩		
丁香	半兩		
右為粗散每服三錢水一中盞入生薑半分煎至六分去滓不計時候稍熱服			
乾薑丸			
出聖方	治五噎咽喉壅塞不通胸膈憂恚氣滯胃寒食少		
乾薑	半兩	炮製	川椒
			半兩
			去目閉
食茱萸	半兩		



羚羊角屑 一兩 射干 一兩 馬蘭子 一兩 桂心 一兩	人參 一兩 細辛 一兩 白朮 一兩 附子 一兩	赤茯苓 一兩 訶梨勒皮 一兩 陳橘皮 一兩	右為末煉蜜和搗三二百杵丸如梧桐子大不計時	候薑湯下三十丸	半夏散 出聖方 治五噎	半夏 半兩 蘆根 一兩 甜葶藶 半兩	右件藥搗為散以水二大盞半入生薑半兩同煎至	一盞半去滓不計時候溫分三服	治五噎胸膈咽喉不利痰逆食少	右半夏七枚小者湯洗去滑為細散一錢以濃薑湯	調服	五噎丸 一方食 治胸中久寒嘔逆及食飲不下結氣	不消方 出千金方	乾薑 蜀椒 食茱萸 桂心 人參 各五	細辛 白朮 茯苓 附子 各四 橘皮 六
--	---	--	----------------------	---------	----------------------------	---	----------------------	---------------	---------------	----------------------	----	---------------------------------------	-------------------------	-----------------------------------	---



右為末蜜和丸如梧桐子大以酒服三丸日三不知 稍加至十丸一方米飲下忌酢物生冷桃李雀肉猪 肉冷水生葱等		半夏散 出聖方 治五噎心胸不利痰壅食少		半夏 一兩湯泡七遍 檳榔 二兩 前胡 一兩去蘆頭 桂心 一兩		枳殼 一兩麸炒 吳茱萸 半兩湯浸 人參 一兩去蘆 甘草 半兩		炙 桔梗 一兩去蘆		右為散每服三錢以水一中盞入生薑半分小麥小		欽定四庫全書 普濟方		豆各五十粒煎至六分去滓不計時候稍熱服		木香散 出聖方 治五膈噎食少四肢乏力		木香 半兩 人參 半兩去蘆 赤茯苓 三分 神麴 三分炒		麥蘖 三分炒 桃仁 半兩湯浸去皮尖雙仁麸炒黃 肉豆蔻 半兩		去 青橘皮 三分湯浸去白焙 甘草 一分炙微赤剉		右為細散每服一錢以水一小盞煎至五分和滓不		計時候稍熱服		硫黃丸 出聖方 治五噎心胸咽喉迫塞痰毒壅滯涕唾	
---	--	---	--	---	--	---	--	---------------------------------	--	-----------------------------	--	-------------------	--	---------------------------	--	--	--	--	--	---	--	--	--	-----------------------------	--	---------------	--	---	--



稠粘不能下食宜服此吐之	
硫黃	一分 細研
麝香	一分錢 細研
阿魏	一分 麝煨
安息香	
分一	砒霜
細研	錢
硃砂	一分 細研
乳香	一分 細研
去油	入
蜜陀僧	一分 細研
右件藥同研令勻細鎔乳香安息香及煉了蜜少許	
和丸如菉豆大每服不計時候以冷香茶下五丸當	
吐如人行十里未吐再服	
膈氣丸	出十便 良方
治氣食憂勞思慮五噎膈氣	
欽定四庫全書	
普濟方	
半夏麴	桔梗
各三	兩
肉桂	枳殼
各一	兩半
右為細末薑汁糊丸如梧桐子大薑湯下三十九食	
後臨卧服	
治五噎立効方	出聖 急方
枇杷葉	一兩 拭去 毛炙微黃
陳橘皮	一兩 湯浸 去白焙
生薑	半 兩
右件藥都以水二大盞半煎至一盞半去滓不計時	
候分溫三服	
五噎散	出三 因方
治五種噎食飲不下胸背痛嘔噦不徹	



攻刺疼痛淚與涎俱出	
人參	茯苓 厚朴
	去皮剉薑汁製炒
	枳殼
	麸炒去穰
桂心	甘草 訶子
	炮去核
	白朮 橘皮
	去白穰焙
白薑	三稜
炮	炮
	神麴
	炒
	麥蘖
	炒各二兩
木香	蓬朮
煨	炮各半兩
	檳榔
	半兩
右為末每服二錢水一盞生薑三片棗一枚煎至七分空心溫服鹽湯點亦得	
竹皮湯	出千金方
治噎聲不出	
欽定四庫全書	
普濟方	
竹皮	一用竹葉
細辛	甘草
生薑	通草
人參	
茯苓	麻黃
五味子	桂心
	各一兩
右呔咀以水一斗煮竹皮減二升去竹皮下藥取三升分三服	
開胃生薑丸	
出宣明論	治中焦不和胃口氣塞水穀不化
噎氣不通噎塞痞滿口淡吞酸食時膨脹噦逆惡心	
嘔吐痰水宿食不消咳嗽脇肋刺痛寬中開胃進美飲食	



生薑 一斤切成片子 鹽三兩淹一宿 桂心 兩一 青皮 去白穰炒微黃	陳皮 去白穰焙 甘草 炙各二兩 砂仁 四十枚 廣茂	當歸 各五錢	右為末蜜丸如梧桐子大每服一九食前細嚼沸湯	下	治卒乾噎不息亦治吐逆乾嘔	右取甘蔗汁溫冷熱服半升日三又生薑汁半升服	差	欽定四庫全書 普濟方	升麻散 療因食即噎塞如炙肉嚙在咽中不下	升麻 四分 桔梗 四分 木通 十二分 吳射干 四分	赤茯苓 百合 各八分 紫苑頭 十二枚	右切以水二大升煎取九合去滓分溫三服食後良	以服忌猪肉酢物	漢防已散 出濟生拔粹方 治噎	漢防已 五錢 官桂 兩一 細辛 七錢半 陳皮 去白穰一兩	羚羊角 末七錢半 紫蘇 七錢半 杏仁 洗去皮尖一兩
--	---	---------------	-----------------------------	----------	---------------------	-----------------------------	----------	--	----------------------------	---	---	-----------------------------	----------------	--------------------------------------	---	--



右為粗末每服三錢薑三片水煎日進三服		深師療噎方		羚羊角屑 前胡 甘草各一兩 人參		橘皮各二兩		右切以水六升煮取二升分四服忌海藻菰菜		治男子婦人氣噎病出百一選方		雞嗉子兩箇和宿食用濕紙裹黃泥固濟內炭火燒將烟斷時取出去黃泥嗉子內物不可		去分毫 木香 丁香 沉香各一錢		欽定四庫全書 普濟方		右為細末用煮棗去皮核丸如梧桐子大每服三十丸食前下		橘甘湯 治咽喉噎塞堵閉咳咯膿血		桔梗二兩 甘草炙 橘皮 半夏薑製各一兩		右為粗末每服三錢水二小盞生薑七片同煎一盞去滓不拘時候溫服		治卒噎出經驗良方		青皮炒 土烏藥 淨茴香炒 木瓜各等分	
--------------------------	--	--------------	--	---	--	-----------------------------	--	---------------------------	--	-------------------------------------	--	---	--	--	--	-------------------	--	---------------------------------	--	------------------------	--	---	--	-------------------------------------	--	--------------------------------	--	--	--



右咬咀同煎至七分去滓溫服	治噎 出百一 選方	右以蘿蔔濃煎湯如熟水飲之	治卒失聲音塞噎不出	右以苦竹葉汁飲之	療噎方	右取頭垢如棗大以粥若漿水服之	必効主噎方	欽定四庫全書 普濟方	以鐵捺大椎盡力則下仍令坐之	又方 出十 便方	右以酢煮麵糊噉之則差只可一兩日差欲長久絕	者取洩為丸如彈子大于酢中煮令熟于中澤却	及熱食二十九不過三兩度差	治諸噎 出千 金方	右如常食乾粳米飯即不噎	又方 出千 金方
--------------	---------------------------------	--------------	-----------	----------	-----	----------------	-------	-------------------	---------------	--------------------------------	----------------------	---------------------	--------------	---------------------------------	-------------	--------------------------------



未火炭蜜丸如彈實大含少少咽津	又方 出千金方	用老牛涎棗核大水中飲之終身不復噎一方用黃	犍牛涎沫	噎病飲食不通	右用狐狸腦骨炒為末服之又以酸漿水調頭垢煎	湯食之立止	治噎食	欽定四庫全書 普濟方	用猢猻糞陰乾燒灰好酒送下不過十服立差	治噎病 出聖惠方	右用豺皮狼喉結曝乾杵末入半盞飯內食之効一	方無豺皮	治噎方	用白鵝尾燒灰酒服	治噎方欲發時 出聖惠方	右銜鷓鴣嘴遂下
----------------	------------------------	----------------------	------	--------	----------------------	-------	-----	-------------------	--------------------	-------------------------	----------------------	------	-----	----------	----------------------------	---------



治噎塞 出聖 惠方	右羚羊角屑為末不以多少米飲服之一方即以角 摩噎上良	噎塞不通方	右營實根搗為散酒下方寸匕日三服	治卒噎 出千 金方	右滿口着蜜食之即下	又方 出千 金方	欽定四庫全書 普濟方	右捻取飯盆邊零飯一粒食之即下	又方 出千 金方	右用楓子炒烟微起即為末乾柿蒂煎湯下	治卒食噎 出聖 惠方	右用陳橘皮一兩去瓢焙為末用水一大盞煎至半	盞熱服	半夏湯 治主噎亦治飲食輒噎	生薑 四兩 半夏 一升 石膏 四兩 小麥
-------------------------------------	--------------------------------------	--------------	------------------------	-------------------------------------	------------------	------------------------------------	-----------------------	-----------------------	------------------------------------	--------------------------	--------------------------------------	-----------------------------	------------	----------------------	--



吳茱萸 升一 赤小豆 二十顆 大棗 二十顆 人參	甘草 桔梗 一作括 桂心 各二兩	右切以酒二升水八升煮取三升分三服忌猪羊肉	海藻菰菜錫生葱等	大腹皮丸 治胸膈氣噎塞煩悶不下飲食腹脇妨脹	秘澁不通	大腹皮 剉一兩 木香 一兩 訶梨勒皮 一兩 桂心 半兩	川大黃 碎一兩半 半夏 湯泡七次 枳殼 一兩 微黃 去穢	欽定四庫全書 普濟方	芎藭 分三 青橘皮 一兩湯浸 乾木瓜 一兩 前胡	一兩 去蘆 郁李仁 一兩湯浸 微炒	右為末煉蜜和搗三二百杵丸如梧桐子大每服不	計時候煎生薑木通湯下三十丸	治氣噎不通不得食方	杏仁 桂心 各三分	右為末蜜丸如棗大稍稍咽之臨食先含彌佳	半夏散 治氣噎不通心悸喘急胸背疼悶咽喉壅塞
--	--	----------------------	----------	-----------------------	------	--	---	---------------	--	---	----------------------	---------------	-----------	-----------------------------	--------------------	-----------------------



半夏湯泡七次 柴胡去苗一兩 羚羊角屑一兩 射干三分	木香兩半 赤茯苓兩一 桔梗三分去蘆 昆布一兩去鹹味	甘草半兩炙微赤剉	右為粗散每服三錢以水一中盞入生薑半分煎至	六分去滓不計時候稍熱服	羚羊角湯 治氣噎不通不得食	羚羊角 通草 橘皮各二兩 吳茱萸 厚朴	乾薑各三兩 烏頭五枚	欽定四庫全書 普濟方	右呔咀以水九升煮取三升分三服日三	桂心散 治氣噎極甚咽喉胸膈壅塞不通	桂心一兩 吳茱萸半兩湯浸七遍焙 射干一兩 木香半兩	赤茯苓一兩	右為粗散每服三錢以水一中盞入生薑半分煎至	六分去滓不計時候稍熱服	通氣湯 治胸滿氣噎	半夏八兩 生薑六兩 桂心三兩 大棗三十枚
--	--	--------------------------------	-----------------------------	--------------------	----------------------	---	---	-----------------------	-------------------------	--------------------------	--	-----------------------------	-----------------------------	--------------------	------------------	---



右呔咀以水八升煮取三升分五服日三夜二
通氣噎湯方

半夏洗 三兩 生薑八兩 桂心三兩 羚羊角三兩

右切以水八升煮取三升分服半升日再服忌羊肉

生葱錫

治氣噎不下飲食

枇杷葉炙 去毛 青皮 陳皮並去穢

右等分為末每服二錢水一盞生薑五片同煎至七

欽定四庫全書

普濟方

分溫服不拘時候

療氣噎煎方

蜜 酥 薑汁各一升

右合和微火煎五六沸取如大棗二枚內酒中飲之

亦可一方以慢火煎成膏收釐合每取半棗大含化

嚥津妙

赤茯苓散 治氣噎心膈壅滯不能下食宜服此方

赤茯苓一兩 桂心半兩 桑根白皮一兩



右為散每服三錢以水一中盞入粟米一茶匙煎至	六分去滓不拘時候溫服	半夏散 治咽喉不利胸膈氣噎不下飲食	半夏 一兩湯洗七次 桂心 三分 木香 兩半	右為散每服二錢以水一中盞入生薑半分煎至六	分去滓不拘時候溫服	救急療喉中氣噎方	半夏 洗 柴胡 生薑 各三兩 羚羊屑 三兩 桔梗	欽定四庫全書 普濟方	犀角屑 昆布 通草 甘草 炙各二兩	右切以水八升煮取三升分三服忌羊肉錫猪肉海	藻菰菜等物	欖榔散 治氣噎食飲不下腹中雷鳴大便不通利氣	欖榔 二兩 木香 兩半 芎藭 兩半 訶梨勒皮 一兩	昆布 一兩洗去鹹味 桂心 兩半 甘草 一分炙微赤剉 川大黃	一兩剉 碎微炒 半夏 兩湯洗七次	右為粗散每服四錢以水一中盞入生薑半分煎至
----------------------	------------	-------------------	--	----------------------	-----------	----------	---	---------------	----------------------------------	----------------------	-------	-----------------------	---	--	--	----------------------



六分去滓不計時候稍熱服

治胸中氣噎不下食喉中如有肉塊方

昆布 二兩洗去鹹味 小麥 二合

右件藥以水三大盞煎候小麥爛熟去滓每服不計

時候喫一小盞仍揀取昆布不住含三兩片子嚥津

極妙

治噫不下食 出肘後方

右取崖蜜含微微嚥下

欽定四庫全書

普濟方

半夏湯 出千金方 治氣噎不食兼嘔吐此病由藏氣冷而

不理津液澁少而不能傳行飲食故食入則噎塞而

不通謂之食噎胸內痛不得喘息食不下者食噎也

亦治噦欲死者

半夏 四兩洗 生薑 三兩各切

右以東流水二大升煎取一升去滓溫服三合日三

忌羊肉錫

半夏散 一名乾薑湯出千金方 治飲食喜噎宜服



半夏 一兩湯洗七次 乾薑 一兩炮製剉 石膏 二兩 桂心 一兩	人參 一兩去蘆 蘇蘇根 一兩 甘草 半兩炙微赤剉 吳茱萸	半兩湯浸七次焙	右為細散每服三錢以水一中盞入生薑半分棗二枚小麥小豆各五十粒同煎至六分去滓不計時候	稍熱服之	羚羊角散 出聖惠方 治食噎飲食不下妨悶極甚	羚羊角屑 一兩 前胡 一兩去蘆 甘草 一兩炙微赤剉 人參	欽定四庫全書 普濟方	二兩去蘆 赤茯苓 一兩 陳橘皮 二兩湯浸去白焙 馬蘭子	二兩微炒	右為粗散每服三錢以水一中盞入生薑半分煎至六分去滓不計時候稍熱服	治膈氣食噎方 出聖惠方	川大黃 一兩剉碎微炒 訶梨勒皮 一兩半	右為末煉蜜和丸如梧桐子大每服不計時候以粥飲下十丸
--	---	-------------------------------	---	-------------	--	---	--------------------------	--	----------------------------	--	-----------------------------------	---	---------------------------------



治胸膈氣滯食噎不下方 出千金方	右以手巾布裹舂杵頭糠時時拭齒治卒噎刮舂杵頭細糠含之煎湯呷亦得	治卒食噎方 出聖惠方	右為鷄毛燒灰五兩滑石末三兩相和令勻不拘時候煎榆白皮湯調下一錢	撞氣阿魏丸 出和濟方 治五種噎疾九般心痛瘕癖氣塊	冷氣攻刺及脾胃停寒胸滿膨脹腹痛腸鳴嘔吐酸	欽定四庫全書 普濟方	水丈夫小腸氣婦人血氣攻刺等疾	茴香 炒 青皮 去白穰炒 甘草 炒 蓬莪朮 炮一方用蒼朮	川芎 陳皮 去白各一兩 白芷 半兩 丁香皮 炮半兩	縮砂仁 肉桂 去皮各半兩 生薑 四兩切作片子鹽淹半日	胡椒 阿魏 醋浸一宿以白麵為糊各二錢半	右用為末用阿魏和丸如雞頭子大每藥丸一斤用硃砂七錢為衣丈夫氣痛炒薑鹽湯下一粒至二粒婦人血氣醋湯下常服一粒爛嚼茶酒任下一方丈
--------------------------------	--------------------------------	---------------------------	--------------------------------	---	----------------------	---------------	----------------	--	--	--	------------------------------------	--



夫氣痛炒茴香湯下		神麴丸 出指南方 治食噎		神麴 一兩 陳橘皮 二兩		右為細末煉蜜丸如雞頭大每服一粒含化		嘉禾散 出指南方 治氣噎		沉香 丁香 藿香葉 訶子 去核 大腹子 炒		橘皮 杜仲 去皮杵薑汁酒拌一宿 白朮 炒各二兩 縮砂		人參 茯苓 薏苡仁 枇杷葉 去毛薑汁炙各一兩		甘草 一兩半炙 石斛 去根酒炒三兩 穀蘖 炒半兩 半夏麴		神麴 各一分 五味子 炒半兩		右為細末每服五錢水二盞乾柿半箇切同煎一盞		細呷之		調氣丸 出指南方 治氣噎		牽牛麵 四兩 陳橘皮 一兩 青橘皮 二兩 木香 二兩		右為末研勻水丸如梧桐子大每服十粒生薑橘皮		湯下	
----------	--	-----------------------------	--	--	--	-------------------	--	-----------------------------	--	---	--	--	--	---------------------------------------	--	---	--	--	--	----------------------	--	-----	--	-----------------------------	--	--	--	----------------------	--	----	--



小七香丸 出衛生家寶方 能溫中快膈治食噎飲食不下冷	痰翻胃腹脹脾冷遠年茶酒食積眼臉俱黃赤白痢疾脾毒泄瀉婦人脾血氣	益智仁 六兩 縮砂仁 二兩 廣茂 二兩 丁香 十二兩	香附子 炒去毛十二兩 甘草 十二兩 甘松 去土八兩	右為細末湯浸蒸餅為丸如菉豆大每服二丸溫酒	薑湯下或氣脹滿磨烏藥水煎湯下或酒食過度頭	眩惡心胸膈滿悶者先嚼二十九丸後吞三丸生薑紫	欽定四庫全書 普濟方	蘇湯下此藥性溫下不動臟腑	通氣湯 出御藥院方 主胸滿氣噎	半夏 湯洗八兩 生薑 六錢 大棗 二錢 吳茱萸 半錢	桂 三錢 去皮	右五味咬咀每服五錢水一大盞生薑十片棗一枚	煎至五分溫服不計時候	治熱噎胸前噎塞不通飲食不下 出護命方	所有湯水飲食只到喉中便吐出所嚥者津液只到
---	---------------------------------------	---	---	-----------------------------	-----------------------------	------------------------------	-------------------	---------------------	---------------------------------------	---	-------------------------------	-----------------------------	-------------------	--	-----------------------------



喉中亦便吐出口膠非時睡中涎溢大腑秘熱出後不快先用葱湯洗穀道兩三四次後用此方通引大腑氣令得通順出後寬快然後喫後方藥以効為度為臟腑虛實不定今有四方藥在後請酌量臟腑進服	治風噎病出護命方	牽牛子二兩半 皂角一兩去黑皮炙乾	右各細杵羅為末每使三錢用舊筆管盛藥內在穀道中吹之取大腑氣下乾糞通暢筆管須是石上磨無鋒刃免傷腸胃	治噎病如前方 所說病根用引大腑藥了大腑通快宜服此方	沉香 木香各二銖 羌活 防風 川芎 薄荷	枇杷葉新布拭去毛炙 牽牛熟使 荊芥穗各一分	右細杵羅為末每服二錢水一盞生薑一片同煎一二沸食後去滓服
--	--------------------------------	---	--	----------------------------------	--	---	------------------------------------



治噎病如前方 所說病根用前方引大腑藥已得	通暢血脈盛者即喫此方	枇杷葉 半兩 拭去毛 甘草 沉香 各三銖 紫蘇葉	荊芥穗	右細杵羅為末每服以生薑一大片煎藥水二盞取九	分食後或半空心服	治噎塞不通 因憂悲而得大腑不通宜先用引大腑	藥了後喫此方須是大腑通喫此藥	欽定四庫全書 普濟方	桑寄生 防風 枇杷葉 甘草 桔梗 沉香	木香 川芎 各一分 細辛 四銖 牽牛 熟使半兩	右細杵羅為末每服二錢水一盞煎取九分空心服	漸減分數即減牽牛一味	治冷噎不通飲食不進 身上厥冷胸前如有冷物一	塊填塞心胸大腑虛冷宜進此服	藿香 細辛 菖蒲 半夏 甘草 各一分 乾薑	豆蔻 吳茱萸 蓬莪朮 川芎 各一兩 煎香 半兩
----------------------	------------	--	-----	-----------------------	----------	-----------------------	----------------	---------------	---------------------	--	----------------------	------------	-----------------------	---------------	--------------------------------------	---



右細杵羅為末每服三錢水一盞二分生薑三片同煎取一盞一分空心和滓去滓任意服

治胃寒履濕四肢厥冷胸前噎塞飲食不下腹脇脹滿

大腑虛冷

草豆蔻兩半 防風去蘆 細辛 肉豆蔻 木香

藿香 川芎各一分 官桂去皮 丁香各三銖

右細剉羅為末每服二錢水一盞煎一二沸和滓空心

心喫之

欽定四庫全書

普濟方

東坡先生家藏五行記云出肘後方

絳州僧病噎不下食告弟子吾死之後便可開吾胸

喉視有何物言終而卒弟子依言而開視胸中得一

物形似魚而有兩頭遍體是肉鱗弟子置器中跳躍

不止戲以諸味皆隨化盡時夏中藍多作靛有一僧

以靛置器中此蟲遂遶器中走須臾化為水故世稱藍

靛治噎有效一方治膈氣咽喉噎塞飲食不下

主噎哽心胸痛滿出本草



用屐屨鼻繩灰着經以遠欲爛斷者水服之良

治食哽

出本
草

右鷹屎燒灰服方寸匕虎狼鵠屎亦得

療卒噎法

出聖
惠方

右傍人可緩解衣帶令噎者知則愈

治卒噎方

右方與共食人當以手捉噎人筋問曰此等何物噎
人當答言筋共食人云噎下去則立愈

欽定四庫全書

普濟方

治卒噎不下方

水一杯 刀一口

右先以刀橫水已後盡飲之則下

噎不下食煩悶

夫陰陽不和則三焦隔絕而津液不利遂令氣不調是
以成噎也此由憂恚所致憂恚則氣結氣結則不宣流
食飲不下心胸煩悶故令噎塞不通也

方



欽定四庫全書		普濟方	
蘆根散 出聖惠方		治噎不下食心胸煩悶不得眠卧	
蘆根 剉一兩	木通 剉半兩	射干 三分	半夏 三分湯泡七次
赤茯苓 兩半	人參 去蘆一兩	甘草 炙半兩	枳殼 三分炒
黃 微			
右為散每服三錢以水一中盞入生薑半分煎至六分去滓不計時候溫服			
訶梨勒散 出聖惠方		治噎心胸煩滿食飲不下脇腹妨悶	
訶梨勒皮 一兩半	枳殼 三分去穢	甘草 半兩炙	
桂心 三分	陳橘皮 去白焙一兩	蘆根 剉一兩	木瓜



乾者 三分 木香 兩半 羚羊角屑 三分	右為細散不計時候煎木瓜湯調下一錢	半夏圓 出聖 治噎心胸短氣煩悶不能下食	半夏 二兩湯 泡七次 木香 兩一 羚羊角屑 兩一	桂心 半一兩 枳殼 二兩麸炒 微黃去穢	右為細末以生薑自然汁煮麵糊和丸如梧桐子大	每服不計時候煎木瓜湯下二十丸	生薑汁煎 出聖 治噎不能下食咽喉壅塞	欽定四庫全書 普濟方	生薑汁 五合 白蜜 兩五 人參 二兩去蘆 搗羅為末	百合 二兩搗 羅為末 牛酥	右件藥內銅鍋中以慢火煎成膏不計時候含一丸	如半棗大嚥津或煎人參湯調下一茶匙亦得		普濟方卷二百五
------------------------------------	-------------------------	--------------------------------	---	------------------------------------	-----------------------------	-----------------------	-------------------------------	-----------------------	--	------------------------------	-----------------------------	---------------------------	--	----------------

